

本草纲目

〔明〕李时珍 著



第四册



黑龙江美术出版社

图书在版编目(CIP)数据

本草纲目. 4 / (明)李时珍原著. —哈尔滨:黑龙江
美术出版社, 2009.1

ISBN 978-7-5318-2245-5

I.本… II.李… III.本草纲目 IV.R281.3

中国版本图书馆 CIP 数据核字(2008)第 213077 号

本草纲目

责任编辑 \ 孙宇

原 著 \ 李时珍

出版发行 \ 黑龙江美术出版社

地 址 \ 哈尔滨市道里区安定街 225 号

网 址 \ www.hl.jmss.com

邮 编 \ 150016

电 话 \ 0451—84270511 84270525

经 销 \ 全国新华书店

印 刷 \ 北京振兴源印务有限公司

开 本 \ 787×1092 1/16

印 张 \ 120

版 次 \ 2009 年 3 月第 1 版

印 次 \ 2009 年 3 月第 1 次印刷

书 号 \ ISBN 978-7-5318-2245-5

定 价 \ 1280.00 元(全四册)

本草纲目第四十一卷虫部三目录

虫之三 (化生类三十一一种)

蛭蟥本经

乳虫纲目

木蠹虫拾遗

桑蠹虫别录

柳蠹虫纲目

桃蠹虫日华

桂蠹虫纲目

柘蠹虫拾遗

枣蠹虫纲目

竹蠹虫纲目

芦蠹虫拾遗

苍耳蠹虫纲目

青蒿蠹虫纲目

皂荚蠹虫纲目

茶蛀虫纲目

蚱蝉本经

蝉花证类

蜣螂本经 蜉蝣、天社虫附

天牛纲目 飞生虫附

蝼蛄本经

萤火本经

衣鱼本经

鼠妇本经 丹戩附

蛱蝶本经

蜚蠊本经

行夜别录

灶马纲目 促织附

皇蠹拾遗 吉丁虫、金龟子、媚
蝶、蛄蝼虫、叩头虫附

木虻本经

蜚虻本经 (即虻虫) 扁前、
蚊子、蚋子附

竹虱纲目

上附方旧二十四，新一百零四。

本草纲目第四十一卷虫部三

虫之三 （化生类三十一种）蛴螬 （本经中品）

【释名】蛴螬蛴音坟。本经、蜃蛴音肥。别录、乳齐弘景地蚕郭璞、应条吴普。〔时珍曰〕蛴螬，方言作蛴螬，象其蠢物之声。或谓是齐人曹氏之子所化，盖谬说也。蛴、蜃，言其状肥也。乳齐，言其通乳也；别录作勃齐，误矣。

【集解】〔别录曰〕蛴螬生河内平泽，及人家积粪草中。取无时，反行者良。〔弘景曰〕大者如足大趾。以背滚行，乃快于脚。杂猪蹄作羹于乳母，不能别之。〔时珍曰〕其状如蚕而大，身短节促，足长有毛。生树根及粪土中者，外黄内黑；生旧茅屋上者，外白内黯。皆湿热之气熏蒸而化，宋齐丘所谓“燥湿相育，不母而生”是矣。久则羽化而去。

【正误】〔弘景曰〕诗云：领如蝤蛴。今以蛴字在下，恐倒尔。〔恭曰〕此虫一名蛴螬。有在粪聚中，或在腐木中。其在腐柳中青，内外洁白；粪土中者，皮黄内黑黯。形色既异，土木又

殊，当以木中者为胜。宜冬月采之。〔宗奭曰〕诸腐木根下多有之。构木津甘，故根下尤多。亦有生于粪土中者，虽肥大而腹中黑；不若木中者，虽瘦而稍白，研汁可用。〔敦曰〕蛴螬须使桑树、柏树中者妙。〔韩保升曰〕按尔雅注云：蛴，蛴螬，在粪土中。蛴螬，蛴，蛴螬。又云：蛴，桑蠹。并木中蠹也。正与本经蛴螬生积粪草中相合。苏恭言当以木中者为胜，则此外恐非也，切谓不然。今诸朽树中蠹虫，通谓之蛴，莫知其主疗；惟桑树中者，近方用之。而有名未用、曾用未识类中，有桑蠹一条即此也。盖生产既殊，主疗亦别。虽有毒、无毒易见，而相使、相恶难知。且蛴不号蛴螬，不名蛴螬，自当审之。〔藏器曰〕蛴螬居粪土中，身短足长，背有毛筋。但从夏入秋，蛻而为蝉，飞空饮露，能鸣高洁。蛴螬一名蛴，一名蠹，在朽木中食木心，穿木如锥。身长足短，口黑无毛，节慢。至春雨后化为天牛，两角如水牛，色黑，背有白点，上下缘木，飞腾不遥。出处既殊，形质又别，陶、苏乃混注之，盖千虑一失也。惟郭璞注尔雅，谓蛴螬在粪土中，蛴螬（桑蠹）在木中，啮桑，似蜗牛长角，喜啮桑树者，为是也。〔颂曰〕今医家与蓐妇下乳药用粪土中者，其效殊速，乃知苏恭之说不可

据也。

【**修治**】〔**教曰**〕凡收得后阴干，与糯米同炒，至米焦黑取出，去米及身上、口畔肉毛并黑尘了，作三四截，研粉用之。〔**时珍曰**〕诸方有干研及生取汁者，又不拘此例也。

【**气味**】咸，微温，有毒。〔**别录曰**〕微寒。〔**之才曰**〕蜚蠊为之使，恶附子。

【**主治**】恶血血瘀，痹气破折，血在胁下坚满痛，月闭，目中淫肤、青翳、白膜。本经。疗吐血在胸腹不去，破骨踈折血结，金疮内塞，产后中寒，下乳汁。别录。取汁滴目，去翳障。主血止痛。药性。傅恶疮。日华。汁主赤白游疹，疹擦破涂之。藏器。取汁点喉痹，得下即开。苏颂。主唇紧口疮，丹疹，破伤风疮，竹木入肉，芒物眯目。时珍。

【**发明**】〔**弘景曰**〕同猪蹄作羹食，甚下乳汁。〔**颂曰**〕张仲景治杂病，大蜜虫丸方中用之，取其去胁下坚满也。〔**时珍曰**〕许学士本事方：治筋急养血，地黄丸中用之，取其治血瘀痹也。按陈氏经验方云：晋书：吴中书郎盛冲母王氏失明。婢取蛭螬蒸熟与食，王以为美。冲还知之，抱母恸哭，母目即开。与本草治目中青翳白膜、药性论汁滴目中去翳障之说相合。予尝以此治人得验，因录以传人。又按鲁伯嗣婴童百问云：张太尹传，治破伤风神效方：用蛭螬，将驼脊背捏住，待口中吐水，就取抹疮上，觉身麻汗出，无有不活者。子弟额上跌破，七日成风，依此治之，时间就愈。此又符疗踈折、傅恶疮、金疮内塞、主血止痛之说也。盖此

药能行血分，散结滞，故能治已上诸病。

【**附方**】旧五，新四。小儿脐疮蛭螬研末傅之，不过数次。千金方。小儿唇紧蛭螬研末，猪脂和，傅之。千金方。赤白口疮蛭螬研汁，频搽取效。大观。丹毒浸淫走串皮中，名火丹。以蛭螬捣烂涂之。删繁方。痈疽痔漏蛭螬研末傅之，日一上。子母秘录。虎伤人疮蛭螬捣烂涂之，日上。唐瑶经验方。竹木入肉蛭螬捣涂之，立出。肘后。麦芒入眼以新布覆目中，持蛭螬从布上摩之，芒着布上出也。千金方。断酒不饮蛭螬研末，酒服，永不饮。千金方。

乳虫（纲目）

【**释名**】土蛹。

【**集解**】〔**时珍曰**〕按白獭髓云：广中韶阳属邑乡中，有乳田。其法：掘地成窖，以粳米粉铺入窖中，盖之以草，壅之以粪。候雨过气蒸则发开，而米粉皆化成蛹，如蛭螬状。取蛹作汁，和粳粉蒸成乳食，味甚甘美也。此亦蛭螬之类，出自人为者。淮南万毕术所谓“置黍沟中，即生蛭螬”，广雅所谓“土蛹，蚤虫”者，皆此物也。服食用此代蛭螬，更觉有功无毒。

【**气味**】甘，温，无毒。

【**主治**】补虚羸，益胃气，温中明目。时珍。

木蠹虫（拾遗）

【**释名**】蝎音曷。螭螭音囚齐。蛭

蠹音乞屈。蛀虫〔时珍曰〕蠹古又作蝨，食木虫也，会意。尔雅丢：蝨蛭，蝨也。蝨，蛭蝨也。郭璞云：凡木中蝨虫，通名为蝨。但所居各异耳。

【集解】〔藏器曰〕木蠹一如蛭蛭，节长足短，生腐木中，穿木如锥，至春雨化为天牛。苏恭以为蛭蛭，深误矣。详蛭蛭下。〔时珍曰〕似蚕而在木中食木者，为蝨；似蚕而在树上食叶音，为蛭；似蝨而小，行则首尾相就，屈而后伸者，为尺蛭；似尺蛭而青小者，为螟蛉。三虫皆不能穴木，至夏俱羽化为蛾。惟穴木之蠹，宜入药用。

【气味】辛，平，有小毒。

【主治】血瘀劳损，月闭不调，腰脊痛，有损血，及心腹间疾。藏器。

【发明】〔时珍曰〕各木性味，良毒不同，而蠹亦随所居、所食而异，未可一概用也。古方用蠹，多取桑、柳、构木者，亦各有义焉。

桑蠹虫（别录）

【校正】自有名未用移入此。

【释名】桑蝨音曷。

【气味】甘，温，无毒。

【主治】心暴痛，金疮肉生不足。别录。胸下坚满，障翳瘀肿，治风疹。日华。治眼得效。蜀本。去气，补不足，治小儿乳霍。藏器。小儿惊风，口疮风疳，妇人崩中，漏下赤白，堕胎下血，产后下痢。时珍。

【附方】新二。崩中漏下赤白。用桑蝨烧灰，温酒服方寸匕，日二。千金。堕胎下血不止。桑木中蝨虫，烧

末，酒服方寸匕，日二。虫屎亦可。普济方。

粪

【主治】肠风下血。妇人崩中产痢，小儿惊风胎瘕，咽喉骨鲠。时珍。

【附方】新四。肠风下血枯桑树下虫矢，烧存性，酒服一钱。圣惠。产后下痢日五十行。用桑木里蠹虫粪，炒黄，急以水沃之，稀稠得所，服之，以瘥为度。此独孤讷祭酒方也。必效方。小儿胎瘕小儿头生疮，手爬处即延生，谓之胎瘕。先以葱盐汤洗净，用桑木蛀屑烧存性，入轻粉等分，油和敷之。圣惠。咽喉骨鲠桑木上虫粪，米醋煎呷。永类铃方。

柳蠹虫（纲目）

【集解】〔时珍曰〕柳蠹生柳木中甚多，内外洁白，至春夏化为天牛。诸家注蛭蛭多取之，亦误矣。

【气味】甘，辛，平，有小毒。

【主治】瘀血，腰脊沥血痛，心腹血痛，风疹风毒，目中肤翳，功同桑蠹。时珍。

粪

【主治】肠风下血，产后下痢，口疮耳肿，齿龈风毒。时珍。

【附方】新三。口疮风疳小儿病此，用柳席蛀虫矢，烧存性为末，入麝香少许搽之。杂木亦可。幼幼新书。齿龈风肿用柳蠹末半合，赤小豆（炒）黑豆（炒）各一合，柳枝一握，地骨皮一两。每用三钱，煎水热漱。御药院方。耳肿风毒肿起出血。取柳虫粪化

水，取清汁，调白矾末少许，滴之。
肘后。

桃蠹虫（日华）

【校正】本经原附桃核仁下，今分入此。

【集解】〔别录曰〕食桃树虫也。〔藏器曰〕桑蠹去气，桃蠹辟鬼，皆随所出而各有功也。

【气味】辛，温，无毒。

【主治】杀鬼，邪恶不祥。本经。食之肥人，悦颜色。日华。

粪

【主治】辟温疫，令不相染。为末，水服方寸匕。伤寒类要。

桂蠹虫（纲目）

【集解】〔藏器曰〕此桂树中虫，辛美可啖。〔时珍曰〕按汉书陆贾传：南越尉佗献桂蠹二器。又大业拾遗录云：隋时始安献桂蠹四瓶，以蜜渍之，紫色，辛香有味，啖之去痰饮之疾。则此物自汉、隋以来，用充珍味矣。

【气味】辛，温，无毒。

【主治】去冷气。藏器。除寒痰癖饮冷痛。时珍。

粪

【主治】兽骨哽，煎醋漱口。时珍。

柘蠹虫（拾遗）

【集解】〔藏器曰〕陶注詹糖云：伪者以柘虫屎为之。此即柘蠹在木间食木之屎也。詹糖烧之香，而此屎不香。既不相似，亦难为之。

屎

【主治】破血。藏器。

枣蠹虫（纲目）

【集解】〔时珍曰〕此即蛴螬之在枣树中者。

屎

【主治】聃耳出脓水。研末，同麝香少许吹之。时珍。普济。

竹蠹虫（纲目）

【集解】〔时珍曰〕竹蠹生诸竹中，状如小蚕，老则羽化为硬翅之蛾。

【主治】小儿蜡梨头疮。取慈竹内者，捣和牛溺涂之。时珍。

【发明】〔时珍曰〕竹蠹虫，古方未见用者，惟袖珍方治小儿蜡梨用之。按淮南万毕术云：竹虫饮人，自言其诚。高诱注云：以竹虫三枚，竹黄十枚，和匀。每用一大豆许，烧入酒中，令人饮之，勿至大醉。叩问其事，必得其诚也。此法传自古典，未试其果验否，姑载之。

蛀末

【主治】聾耳出脓水，汤火伤疮。时珍。

【附方】新六。聾耳出水苦竹蛀屑、狼牙、白薇等分，为末和匀，频掺之。圣惠。耳出臭脓用竹蛀虫末、胭脂坯子等分，麝香少许，为末吹之。朱氏集验。耳脓作痛因水入耳内者。如圣散：用箭杆内蛀末一钱，膩粉一钱，麝香半钱，为末。以绵杖缴尽，送药入耳，以绵塞定，有恶物放令流出，甚者三度必愈。普济。汤火伤疮竹蠹蛀末傅之。外台秘要。湿毒臃疮枯竹蛀屑、黄蘗末等分。先以葱、椒、茶汤洗净。搽之，日一上。牙齿疼痛蛀竹屑、陈皮各一两为末，乌梅肉同研如泥，傅之。救急方。

芦蠹虫（拾遗）

【集解】〔藏器曰〕出芦节中。状如小蚕。

【气味】甘，寒，无毒

【主治】小儿饮乳后，吐逆不入腹，取虫二枚煮汁饮之。呕逆与观乳不同，乳饱后观出者，为吮乳也。藏器。

苍耳蠹虫（纲目）

【释名】麻虫。

【集解】〔时珍曰〕苍耳蠹虫，生苍耳梗中，状如小蚕。取之但看梗有大蛀眼者，以刀截去两头不蛀梗，多收，线缚挂檐下，其虫在内经年不死。用时取出，细者以三条当一用之。

【主治】疗肿恶毒，烧存性研末，油调涂之，即效。或以麻油浸死收贮，每用一二枚捣傅，即时毒散，大有神效。时珍。

【发明】〔时珍曰〕苍耳治疗肿毒，故虫亦与之同功。古方不、见用，近时方法每用之。

【附方】新三。一切疗肿及无名肿毒恶疮。刘松石经验方：用苍耳草梗中虫一条，白梅肉三四分，同捣如泥，贴之立愈。圣济总录：用麻虫（即苍耳草内虫，炒黄色）、白僵蚕、江茶，各等分为末，蜜调涂之。又用苍耳节内虫四十九条捶碎，入人言少许，捶成块。判疮令破，傅之。少顷以手撮出根，即愈。

青蒿蠹虫

【集解】〔时珍曰〕此青蒿节间虫也。状如小蚕，久亦成蛾。

【主治】急慢惊风。用虫捣，和朱砂、汞粉各五分，丸粟粒大。一岁一丸，乳汁服。时珍。

【发明】〔时珍曰〕古方不见用者。保婴集用治惊风，云十不失一。其诗云：一半朱砂一半雪，其功只在青蒿节。任教死去也还魂，服时须用生人血。

皂荚蠹虫（纲目）

【气味】辛。

【主治】蝇入人耳害人。研烂，同

鱗鱼血点之。危氏。

茶蛀虫（纲目）

【集解】〔时珍曰〕此装茶笼内蛀虫也。取其屎用。

蛀屑

【主治】聾耳出汁。研末。日日缴净掺之。时珍。出圣惠。

蚱蝉（本经中品）

【释名】蛸音调。齐女〔时珍曰〕按王充论衡云：蛸化腹蛸，腹蛸拆背出而为蝉。则是腹蛸者，育于腹也。蝉者，变化相禅也。蚱音窄，蝉声也。蛸，其音调也。崔豹古今注言：齐王后怨王而死，化为蝉故蝉名齐女。此谬说也。按诗人美庄姜为齐侯之子，螭首蛾眉。螭亦蝉名，人隐其名，呼为齐女，义盖取此。其品甚多，详辨见下。

【集解】〔别录曰〕蚱蝉生杨柳上。五月采，蒸干之，勿令蠹。〔弘景曰〕蚱蝉，哑蝉，雌蝉也。不能鸣。蝉类甚多，此云柳上，乃诗云“鸣蛸螭螭”者，形大而黑，五月便鸣。俗云：五月不鸣，婴儿多灾。故其治疗亦专主小儿。昔人啖之，故礼有雀、鷃、蛸、螭，而伧倮丈人掇之也。其四五月鸣而小紫青色者，螭蛸也。庄子云“螭蛸不知春秋”是矣。离骚误以螭蛸为寒螿尔。寒螿九月、十月中鸣，声甚凄急。七八月鸣而色青者，名蛸螭。二月中便鸣者，名蛸母，似寒螿而小。〔恭

曰〕蚱蝉，鸣蝉也。诸虫皆以雄为良，陶云雌蝉非矣。〔颂曰〕按玉篇云：蚱蝉声也，正与月令“仲夏蝉始鸣”相合，恭说得之。尔雅云：蛸，马蛸。乃蝉之最大者，即此也。蝉类虽众，独此一种入药。医方多用蝉壳，亦此壳也。本生土中，云是蛸螭所转丸，久而化成此虫，至夏登木而蛸。〔宗奭曰〕蚱蝉，夏月身与声俱大，始终二一般声。乘昏夜，出土中，升高处，拆背壳而出。日出则畏入，且畏日炙干其壳，不能蛸也。至时寒则坠地，小儿畜之，虽数日亦不饮食。古人言其饮风露，观其不粪而溺，亦可见矣。〔时珍曰〕蝉，诸蛸总名也。皆自蛸螭、腹蛸变而为蝉（亦有转丸化成者），皆三十日而死。俱方首广额，两翼六足，以胁而鸣，吸风饮露，溺而不粪。古人食之，夜以火取，谓之耀蝉。尔雅、淮南子、扬雄方言、陆玕草木疏、陈藏器本草诸书所载，往往混乱不一。今考定于左，庶不误用也。夏月始鸣，大而色黑者，蚱蝉也。又曰蛸（音绵），曰马蛸，幽诗“五月鸣蛸”是也。头上有花冠，曰螭蛸，曰蛸，曰胡蝉，荡诗“如螭如蛸”者是也。具五色者，曰蛸螭，见夏小正。并可入药用。小而有文者，曰蛸，曰麦蛸。小而色青绿者，曰茅蛸，曰茅蛸。秋月鸣而色青紫者，曰螭蛸，曰蛸螭，曰蛸蛸，曰蛸蛸（音舌决）。小而色青赤者，曰寒蝉，曰寒蛸，曰寒蛸，曰蛸；未得秋风，则瘖不能鸣，谓之哑蝉。亦曰瘖。二三月鸣，而小于寒蛸者，曰蛸母。并不入药。

蚱蝉

【**气味**】咸、甘，寒，无毒。〔甄权曰〕酸。

【**主治**】小儿惊痫夜啼，癫痫寒热。本经。惊悸，妇人乳难，胞衣不出，能堕胎。别录。小儿病绝不能言。苏恭。小儿惊哭不止，杀疳虫，去壮热，治肠中幽幽作声。药性。

【**发明**】〔藏器曰〕本功外，其脑煮汁服之，主产后胞衣不下，自有正传。〔时珍曰〕蝉主产难、下胞衣，亦取其能退蛻之义。圣惠治小儿发病，有蚱蝉汤、蚱蝉散、蚱蝉丸等方。今人只知用蛻，而不知用蝉也。

【**附方**】新三。百日发惊蚱蝉（去翅、足，炙）三分，赤芍药三分，黄芩二分，水二盏，煎一盏，温服。圣惠方。破伤风病无问表里，角弓反张。秋蝉一个，地肤子（炒）八分，麝香少许，为末。酒服二钱。同上。头风疼痛蚱蝉二枚生研，入乳香、朱砂各半分，丸小豆大。每用一丸，随左右纳鼻中，出黄水为效。圣济总录。

蝉蛻

【**释名**】蝉壳、枯蝉、腹蜻并别录金牛儿。

【**修治**】〔时珍曰〕凡用蛻壳，沸汤洗去泥土、翅、足，浆水煮过，晒干用。

【**气味**】咸、甘，寒，无毒。

【**主治**】小儿惊痫，妇人生子不下。烧灰水服，治久痢。别录。小儿壮热惊痫，止渴。药性。研末一钱，井华水服，治哑病。藏器。除目昏障翳。以

水煎汁服，治小儿疮疹出不快，甚良。宗奭。治头风眩运，皮肤风热，痘疹作痒，破伤风及丁肿毒疮，大人失音，小儿噤风天吊，惊哭夜啼，阴肿。时珍。

【**发明**】〔好古曰〕蝉蛻去翳膜，取其蛻义也。蝉性蛻而退翳，蛇性窜而祛风，因其性而为用也。〔时珍曰〕蝉乃土木余气所化，饮风吸露，其气清虚。故其主疗，皆一切风热之症。古人用身，后人用蛻。大抵治脏腑经络，当用蝉身；治皮肤疮疡风热，当用蝉蛻，各从其类也。又主哑病、夜啼者，取其昼鸣而夜息也。

【**附方**】旧二，新十四。小儿夜啼心鉴：治小儿一百二十日内夜啼。用蝉蛻四十九个，去前截，用后截，为末，分四服。钩藤汤调灌之。普济：蝉花散：治小儿夜啼不止，状若鬼祟。用蝉蛻下半截，为末。一字，薄荷汤入酒少许调下。或者不信，将上半截为末，煎汤调下，即复啼也。古人立方，莫知其妙。小儿惊啼啼而不哭，烦也；哭而不啼，躁也。用蝉蛻二七枚，去翅、足为末，入朱砂末一字，蜜调与吮之。活幼口议。小儿天吊头目仰视，痰塞内热。用金牛儿（即蝉蛻）以浆水煮一日，晒干为末。每服一字，冷水调下。卫生易简方，小儿噤风初生口噤不乳。用蝉蛻二七枚，全蝎（去毒）二七枚，为末。入轻粉末少许，乳汁调灌。全幼心鉴。破伤风病发热。医学正传：用蝉蛻炒研：酒服一钱；神效。普济方：用蝉蛻为末，葱涎调，涂破处。即时取去恶水，立效。名追风散。头风旋运蝉壳一两，微炒为末。非时酒下一钱，白汤亦可。圣惠。皮肤风痒蝉蛻、薄荷叶等

分，为末。酒服一钱。日三。集验。痘疮作痒蝉蜕三七枚，甘草（炙）一钱，水煎服之。心鉴。痘后目翳蝉蜕为末。每服一钱，羊肝煎汤下，日二。钱氏。聤耳出脓蝉蜕半两烧存性，麝香半钱炒，上为末，绵裹塞之。追出恶物，效。海上。小儿阴肿多因坐地风袭，及虫蚁所吹。用蝉蜕半两，煎水洗。仍服五苓散，即肿消痛止。危氏。胃热吐食清膈散：用蝉蜕五十个（去泥），滑石一两，为末。每服二钱，水一盞，入蜜调服。卫生家宝方。疗疮毒肿不破则毒入腹。青囊杂纂：用蝉蜕炒为末。蜜水调服一钱。外以津和，涂之。医方大成：用蝉蜕、僵蚕等分，为末。醋调，涂疮四围。候根出，拔去再涂。

蝉花（证类）

【释名】冠蝉礼注、胡蝉毛诗、螳蜋同上、蜋。〔时珍曰〕花、冠，以象名也。胡，其状如胡也。唐，黑色也。古俗谓之胡蝉，江南谓之螳，蜀人谓之蝉花。

【集解】〔慎微曰〕蝉花所在有之，生苦竹林者良。花出头上，七月采。〔颂曰〕出蜀中。其蝉头上有一角，如花冠状，谓之蝉花。彼人贡蜋至都下。医工云：入药最奇。〔宗奭曰〕乃是蝉在壳中又出而化为花，自顶中出也。〔时珍曰〕蝉花，即冠蝉也，礼记所谓“蜋则冠而蝉有矮”者是矣。矮音蕤，冠纓也。陆云寒蝉赋云：蝉有五德：头上有帟，文也；含气吸露，清也；黍稷不享，廉也；处不巢居，俭也；应候有

常，信也。陆佃埤雅云：螳首方广有冠，似蝉而小，鸣声清亮。宋祁方物赞云：蝉之不蛻者，至秋则花。其头长一二寸，黄碧色。并指此也。

【气味】甘，寒，无毒。

【主治】小儿天吊，惊痫，夜啼心悸。慎微。功同蝉蜕，又止疟。时珍。

蜣螂（本经下品）

【释名】蜣蜋音诘羌。推丸弘景、推车客纲目、黑牛儿同上、铁甲将军同上、夜游将军。〔弘景曰〕庄子云：蜣蜋之智，在于转丸。喜入粪土中取屎丸而推却之，故俗名推丸。〔时珍曰〕崔豹古今注谓之转丸、弄丸，俗呼推车客，皆取此义也。其虫深目高鼻，状如羌胡，背负黑甲，状如武士，故有蜣螂、将军之称。

【集解】〔别录曰〕蜣螂生长沙池泽。〔弘景曰〕其类有三四种，以大而鼻头扁者为真。〔韩保升曰〕此类多种，所在有之。以鼻高目深者入药，名胡蜣螂。〔宗奭曰〕蜣螂有大、小二种：大者名胡蜣螂，身黑而光，腹翼下有小黄，子附母而飞，昼伏夜出，见灯光则来，宜入药用，小者身黑而暗，昼飞夜伏。狐并喜食之。小者不堪用，惟牛马胀结，以三十枚研水灌之，绝佳。〔时珍曰〕蜣螂以土包粪，转而成丸，雄曳雌推，置于坎中，覆之而去。数日有小蜣螂出，盖孚乳于中也。

【修治】〔别录曰〕五月五日采取蒸藏之，临用（去足）火炙。勿置水中，令人吐。

【**气味**】咸，寒，有毒。〔好古曰〕酸。〔之才曰〕畏羊角、羊肉、石膏。

【**主治**】小儿惊痫瘦痲，腹胀寒热，大人癰疾狂阳。本经。手足端寒，肢满胫脉。捣丸塞下部，引痔虫出尽，永瘥。别录。治小儿疳蚀。药性。能堕胎。治疰忤。和干姜傅恶疮，出箭头。日华。烧末，和醋傅蜂漏。藏器。去大肠风热。权度。治大小便不通，下痢赤白，脱肛，一切痔瘻疗肿，附骨疽疮，痲风，灸疮出血不止，鼻中息肉，小儿重舌。时珍。

【**发明**】〔时珍曰〕蛭螂乃手足阳明、足厥阴之药，故所主皆三经之病。总微论言：古方治小儿惊痫，蛭螂为第一。而后医未见用之，盖不知此义耳。〔颂曰〕箭簇入骨不可移者，杨氏家藏方：用巴豆微炒，同蛭螂捣涂。斯须痛定，必微痒，忍之。待极痒不可忍，乃憾动拔之立出。此方传于夏侯郢。郢初为闽州录事参军，有人额有箭痕，问之。云：从马侍中征田悦中箭，侍中与此药立出，后以生肌膏傅之乃愈。因以方付郢，云：凡诸疮皆可疗也。郢至洪州逆旅，主人妻患疮呻吟，用此立愈。翰院丛记云：李定言：石藏用，近世良医也。有人承檐溜浣手，觉物入爪甲内，初若丝发，数日如线，伸缩不能，始悟其为龙伏藏也。乃叩藏用求治。藏用曰：方书无此，以意治之耳。末蛭螂涂指，庶免震厄。其人如其言，后因雷火绕身，急针挑之，果见一物跃出，亦不为灾。医说亦载此事。

【**附方**】旧七，新十六。小儿惊风不拘急慢。用蛭螂一枚杵烂，以水一小盏，于百沸汤中荡热，去滓饮之。小儿

疳疾土裹蛭螂煨熟，与食之。韩氏医通。小儿重舌蛭螂烧末，唾和，傅舌上。子母秘录。膈气吐食用地牛儿二个，推屎虫一公一母，同入罐中，待虫食尽牛儿，以泥裹煨存性；用去白陈皮二钱，以巴豆同炒过，去豆，将陈皮及虫为末。每用一二分，吹入咽中。吐痰三四次，即愈。孙氏集效方。赤白下痢黑牛散：治赤血痢、噤口痢及泄泻。用黑牛儿（即蛭螂，一名铁甲将军）烧研。每服半钱，或一钱，烧酒调服（小儿以黄酒服），立效。李延寿方。大肠脱肛蛭螂烧存性，为末，入冰片研匀。掺肛上，托之即入。医学集成。大小便闭经月欲死者。本事：推车散：用推车客七个（男用头，女用身），土狗七个（男用身，女用头），新瓦焙，研末。用虎目树南向皮，煎汁调服。只一服即通。杨氏经验方：治大小便不通。六七月寻牛粪中大蛭螂十余枚，线穿阴干收之。临时取一个全者，放净砖上，四面以灰火烘干，当腰切断（如大便不通，用上截；小便不通，用下截），各为细末，取井华水服之（二便不通，全用），即解。大肠秘塞蛭螂（炒，去翅、足）为末，热酒服一钱。圣惠。小便转胞不通。用死蛭螂二枚烧末，并华水一盏调服。千金。小便血淋蛭螂研水服。鲍氏。痔漏出水唐氏方：用蛭螂一枚阴干，入冰片少许为细末，纸捻蘸末入孔内。渐渐生肉，药自退出，即愈。袖珍方：用蛭螂焙干研末。先以矾汤洗过，贴之。一切漏疮不拘蜂瘻、鼠瘻。蛭螂烧末，醋和傅。千金。附骨疽漏蛭螂七枚，同大麦捣傅。刘涓子方。一切恶疮及沙虱、水弩、恶疽。五月五

日取蜣螂蒸过，阴干为末，油和傅之。圣惠。疗肿恶疮杨柳上大乌壳硬虫（或地上新粪内及泥堆中者），生取，以蜜汤浸死，新瓦焙焦为末。先以烧过针拨开，好醋调，傅。普济方。无名恶疮忽得不识者。用死蜣螂杵汁涂之。广利。灸疮血出不止。用死蜣螂烧研，猪脂和涂。千金方。大赫疮疾急防毒气入心。先灸，后用干蜣螂为末，和盐水傅四周，如韭叶阔，日一上之。肘后。痈疡风病取涂中死蜣螂杵烂，揩疮令热，封之。一宿瘥。外台秘要。鼻中息肉蜣螂十枚，纳青竹筒中，油纸密封，置厕坑内，四十九日取出晒干，入麝香少许，为末涂之，当化为水也。圣惠。沙尘入目取生蜣螂一枚，以持其背，于眼上影之，自出。肘后方。下部蠹虫痛痒脓血，旁生孔窍。蜣螂七枚（五月五日收者），新牛粪半两，肥羊肉一两（炒黄），同捣成膏，丸莲子大，炙热，绵裹纳肛中。半日即大便中虫出，三度永瘥。董炳集验方。

心

【主治】疗疮。〔颂曰〕按刘禹锡纂柳州救三死方云：元和十一年得丁疮，凡十四日益笃，善药傅之莫效。长乐贾方伯教用蜣螂心，一夕百苦皆已。明年正月食羊肉，又大作，再用如神验。其法：用蜣螂心，在腹下度取之，其肉稍白是也。贴疮半日许，再易，血尽根出即愈。蜣螂畏羊肉，故食之即发。其法盖出葛洪肘后方。

转丸见土部。

【附录】蜉蝣〔时珍曰〕蜉蝣一名渠略，似蛄蛭而小，大如指头，身狭而长，有角，黄黑色，甲下有翅能飞。夏

月雨后丛生粪土中，朝生暮死。猪好啖之。人取炙食，云美于蝉也。盖蜣螂、蜉蝣、腹蛰、天牛，皆蛴螬、蠹、蝎所化。此亦蜣螂之一种，不可不知也。或曰：蜉蝣，水虫也。状似蚕蛾，朝生暮死。

天社虫〔别录有名未用曰〕味甘，无毒。主绝孕，益气。虫状如蜂，大腰，食草木叶，三月采。〔时珍曰〕按张揖广雅云：天社，蜣螂也。与此不知是一类否？

天牛（纲目）

【释名】天水牛纲目、八角儿同上、一角者名独角仙。〔时珍曰〕此虫有黑角如八字，似水牛角，故名。亦有一角者。

【集解】藏器注蛴螬云：蝎蠹，在朽木中，食木心，穿如锥刀，口黑，身长足短，节慢无毛。至春雨后化为天牛，两角状如水牛（亦有一角者），色黑，背有白点，上下缘木，飞腾不远。〔时珍曰〕天牛处处有之。大如蝉，黑甲光如漆，甲上有黄白点，甲下有翅能飞。目前有二黑角甚长，前向如水牛角，能动。其喙黑而扁，如钳甚利，亦似蜈蚣喙。六足在腹，乃诸树蠹虫所化也。夏月有之，出则主雨。按尔雅：螻，啮桑也。郭璞注云：状似天牛长角，体有白点，善啮桑树，作孔藏之，江东呼为啮发。此以天牛、啮桑为二物也。而苏东坡天水牛诗云：两角徒自长，空飞不服箱。为牛竟何益，利吻穴枯桑。此则谓天牛即啮桑也。大抵在桑

树者，即为啮桑尔。一角者，名独角仙。入药，并去甲、翅、角、足用。

【气味】有毒。

【主治】疟疾寒热，小儿急惊风，及疗肿箭镞入肉，去痣瘻。时珍。

【发明】〔时珍曰〕天牛、独角仙，本草不载。宋、金以来，方家时用之。圣惠治小儿急惊风吹鼻定命丹，宣明方点身面痣瘻芙蓉膏中，俱用独角仙，盖亦毒物也。药多不录。蝎化天牛有毒，蛴螬化蝉无毒，又可见蛴螬与蝎之性味良恶也。

【附方】新三。疗肿恶毒透骨膏：用八角儿（杨柳上者，阴干去壳）四个（如冬月无此，用其窠代之），蟾酥半钱，巴豆仁一个，粉霜、雄黄、麝香少许。先以八角儿研如泥，入熔化黄蜡少许，同众药末和作膏子，密收。每以针刺疮头破出血，用榆条送膏子（麦粒大）入疮中，以雀粪二个放疮口。疮回即止，不必再用也。忌冷水。如针破无血，系是着骨疗。即男左女右中指甲末，刺出血糊药。又无血，即刺足大拇血糊药。如都无血，必难医也。箭镞入肉用天水牛（取一角者），小瓶盛之，入硃砂一钱，同水数滴在内。待自然化水，取滴伤处，即出也。寒热疟疾猪膏丸：治疟疾发渴，往来不定。腊猪膏二两，独角仙一枚，独头蒜一个，楼葱一握，五月五日三家粽尖。于五月五日五更时，净处露头赤脚，舌拄上腭，回面向北，捣一千杵，丸皂子大。每以新绵裹一丸，系臂上，男左女右。圣惠。

【附录】飞生虫拾遗〔藏器曰〕状如啮发，头上有角。其角无毒，主难

产，烧末水服少许，亦可执之。〔时珍曰〕此亦天牛别类也。与鼯鼠同功，故亦名飞生。

蝼蛄（本经下品）

【释名】蝼蛄本经、天蝼本经、蟹音斛。本经、蝼蛄月令、仙姑古今注、石鼠古今注、梧鼠荀子、土狗俗名。〔时珍曰〕周礼注云：蝼，臭也。此虫气臭，故得蝼名。日姑，日婆，日娘子，皆称虫之名。蝼蛄同蝉名，蝼蛄同蛙名，石鼠同硕鼠名，梧鼠同飞生名，皆名同物异也。

【集解】〔别录曰〕蝼蛄生东城平泽。夜出者良。夏至取，暴干。〔弘景曰〕此物颇协鬼神。昔人狱中得其力，令人夜见多打杀之，言为鬼所使也。〔颂曰〕今处处有之。穴地粪壤中而生，夜则出外求食。荀子所谓梧鼠五技而穷，蔡邕所谓硕鼠五能不成一技者，皆指此也。魏诗硕鼠乃大鼠，与此同名而技不穷，固不同耳。五技者：能飞不能过屋，能缘不能穷木，能游不能度谷，能穴不能掩身，能走不能免人。〔宗奭曰〕此虫立夏后至夜则鸣，声如蚯蚓，月令“蝼蛄鸣”者是矣。〔时珍曰〕蝼蛄穴土而居，有短翅四足。雄者善鸣而飞，雌者腹大羽小，不善飞翔。吸风食土，喜就灯光。入药用雄。或云用火烧地赤，置蝼于上，任其跳死，覆者雄，仰者雌也。类从云：磨铁致蛄，汗鞢引兔。物相感也。

【气味】咸，寒，无毒。〔日华曰〕凉，有毒。去翅、足，炒用。

【主治】产难，出肉中刺，溃痈肿，下哽噎，解毒，除恶疮。本经。水肿，头面肿。日华。利大小便，通石淋，治療痲骨哽。时珍。治口疮甚效。震亨。

【发明】〔弘景曰〕自腰以前甚涩，能止大小便；自腰以后甚利，能下大小便。〔朱震亨曰〕蝼蛄治水甚效，但其性急，虚人戒之。〔颂曰〕今方家治石淋导水，用蝼蛄七枚，盐二两，新瓦上铺盖焙干，研末。每温酒服一钱匕，即愈也。

【附方】旧一，新二十。十种水病腹满喘促不得卧。圣惠方：以蝼蛄五枚，焙干为末。食前白汤服一钱，小便利为效。杨氏：加甘遂末一钱，商陆汁一匙，取下水为效。忌盐一百日。小便秘者。圣惠：用蝼蛄下截焙研，水服半钱，立通。保命集：用蝼蛄一个，葡萄心七个，同研，露一夜，日干研末，酒服。乾坤秘韞：用端午日取蝼蛄阴干，分头、尾焙收。治上身用头末七个，治中用腹末七个，治下用尾末七个，食前酒服。大腹水病肘后：用蝼蛄炙熟，日食十个。普济：半边散：治水病。用大戟、芫花、甘遂、大黄各三钱，为末。以土狗七枚（五月能飞者），捣葱铺新瓦上焙之，待干去翅、足，每个剪作两半边，分左右记收。欲退左即以左边七片焙研，入前末二钱，以淡竹叶、天门冬煎汤，五更调服。候左退三日后，服右边如前法。嗜鼻消水面浮甚者。用土狗一个，轻粉二分半，为末。每嗜少许入鼻内，黄水出尽为妙。杨氏家藏方。石淋作痛方见发明下。小便不通葛洪方：用大蝼蛄二枚，取下体，以水一升

渍饮，须臾即通。寿域方：用土狗下截焙研，调服半钱。生研亦可。谈野翁方：加车前草，同捣汁服。唐氏经验方：用土狗后截，和麝捣，纳脐中，缚定，即通。医方摘要：用土狗一个炙研，入冰片、麝香少许，翎管吹入茎内。大小便闭经月欲死。普济方：用土狗、推车客各七枚，并男用头，女用身，瓦焙焦为末。以向南樗皮煎汁饮，一服神效。胞衣不下困极腹胀则杀人。蝼蛄一枚，水煮二十沸，灌入，下喉即出也。延年方。脐风出汗蝼蛄、甘草等分，并炙为末。傅之。总录。牙齿疼痛土狗一个，旧糟裹定，湿纸包，煨焦，去糟研末，傅之立止。本事。紧唇裂痛蝼蛄烧灰，傅之。千金方。塞耳治聋蝼蛄五钱，穿山甲（炮）五钱，麝香少许，为末，葱汁和丸，塞之。外用嗜鼻药，即通。普济。颈项痲痹用带壳蝼蛄七枚生取肉，入丁香七粒于壳内，烧过，与肉同研，用纸花贴之。救急方。箭镞入肉以蝼蛄杵汁滴上，三五度自出。千金方。针刺在咽同上。误吞钩线蝼蛄去身，吞其头数枚。勿令本人知。圣惠方。

萤火（本经下品）

【释名】夜光本经、熠耀音煜跃。即炤音照。夜照、景天、救火、据火、挟火并吴普、宵烛古今注、丹鸟。〔宗奭曰〕萤常在大暑前后飞出，是得大火之气而化，故明照如此。〔时珍曰〕萤从荧省。荧，小火也，会意。幽风：熠耀宵行。宵行乃虫名，熠耀其光也。

诗注及本草，皆误以熠耀为萤名矣。

【集解】〔别录曰〕萤火生阶地池泽。七月七日取，阴干。〔弘景曰〕此是腐草及烂竹根所化。初时如蛹，腹下已有光，数日变而能飞。方术家捕置酒中令死，乃干之。俗用亦稀。〔时珍曰〕萤有三种：一种小而宵飞，腹下光明，乃茅根所化也，吕氏月令所谓“腐草化为萤”者是也；一种长如蛆蝎，尾后有光，无翼不飞，乃竹根所化也，一名蠋，俗名萤蛆，明堂月令所谓“腐草化为蠋”者是也，其名宵行，茅竹之根，夜视有光，复感湿热之气，遂变化成形尔；一种水萤，居水中，唐李子卿水萤赋所谓“彼何为而化草，此何为而居泉”是也。入药用飞萤。

【气味】辛，微温，无毒。

【主治】明目。本经。疗青盲甄权。小儿火疮伤，热气蛊毒鬼疰，通神精。本经。

【发明】〔时珍曰〕萤火能辟邪明目，盖取其照幽夜明之义耳。神仙感应篇，载务成萤火丸事迹甚详；而庞安常总病论，亦极言其效验。云：曾试用之，一家五十余口俱染疫病，惟四人带此者不病也。许叔微伤寒歌亦称之。予亦恒欲试之，因循未暇耳。庞翁为苏、黄器重友，想不虚言。神仙感应篇云：务成子萤火丸，主辟疾病，恶气百鬼，虎狼蛇虺，蜂蛰诸毒，五兵白刃，盗贼凶害。昔汉冠军将军武威太守刘子南，从道士尹公受得此方。永平十二年，于北界与虏战败绩，士卒略尽。子南被围，矢下如雨，未至子南马数尺，矢辄坠地。虏以为神，乃解去。子南以方教子弟，为将皆未尝被伤也。汉末青牛道

士得之，以传安定皇甫隆，隆以传魏武帝，乃稍有人得之。故一名冠军丸，又名武威丸。用萤火、鬼箭羽、蒺藜各一两，雄黄、雌黄各二两，羚羊角（煨存性）一两半，矾石（火烧二两，铁锤柄入铁处烧焦一两半），俱为末。以鸡子黄、丹雄鸡冠一具和捣干下，丸如杏仁。作三角绛囊盛五丸，带于左臂上（从军系腰中，居家挂户上），甚辟盗贼也。

【附方】新二。黑发七月七日夜，取萤火虫二七枚，捻发白黑也。便民图纂方。明目劳伤肝气目暗方：用萤火虫二七枚，纳大鲤鱼胆中，阴干百日为末。每点少许，极妙。一方用白犬胆。圣惠。

衣鱼（本经下品）

【释名】白鱼本经、蟬鱼覃、淫、寻三音。蛎鱼郭璞、壁鱼图经、蠹鱼。〔宗奭曰〕衣鱼生久藏衣帛中，及书纸中。其形稍似鱼，其尾又分二歧，故得鱼名。〔时珍曰〕白，其色也；壁，其居也；蟬，其状态也；丙，其尾形也。

【集解】〔别录曰〕衣鱼生成阳平泽。〔颂曰〕今处处有之，衣中乃少，而书卷中甚多。身白有厚粉，以手触之则落。段成式云：补厥张周封见壁上瓜子化为壁鱼，因知列子“朽瓜化鱼”之言不虚也。俗传壁鱼人道经中，食神仙字，则身有五色。人得吞之，可致神仙。唐张裼之少子，乃多书神仙字，碎剪置瓶中，取壁鱼投之，冀其蠹食而不能得，遂致心疾。书此以解俗说之惑。